

Atención a la diversidad

Actividades de refuerzu

(P. 28-31) Falamos y escribimos

Nel marxe de la páxina 31 pues ver el logotipu de la Sociedá protectora del Furrutín de Venus, una especie en peligru d'estinción. Fai una esposición escrita, destinada a la Ministra d'Asuntos Ecolóxicos del Sistema Solar, esplicándoy la dramática situación de los furrutinos: los sos problemes reproductivos, los peligros que cuerren, la manera na que los afecta la presencia humana nel so ambiente o la introducción d'otres especies extravenusines que compiten con él... Pa ello:

1. Fai un esquema previu y pásalu a llimpio na llibreta.
2. Respeta les cuatro partes d'una esposición escrita.
3. Has tener presente a quién va destinada: a una persona con conocimientos de la materia.

(P. 34-36) Reflexonamos sobre la llingua

Copia na llibreta la llista de les venti preposiciones asturianas. Depués escribi diez oraciones d'esta manera: na primera tienes qu'usar les dos primeres preposiciones: *a* y *ante*; na segunda, les preposiciones tercera y cuarta: *baxo* y *cabo*; y asina sucesivamente, de dos en dos, hasta acabales.

(P. 37) Ortografía

Sorraya les apostrofaciones y contracciones con preposiciones qu'alcuentres nesti testu:

D'entós p'alantre, garró mieu y yá nun volvió pasar pela caleya solu. Si tenía que facer aquel camín por necesidá, diba cola hermana mayor o col primu, anque, pola vergüenza que-y daba, nun-yos confesó enxamás el sustu que llevó na caleya al sentir, nun paséu solitariu, que-y soplaben a la oreya.

(P. 41) Llingua y sociedá

Nel apartáu *Los llabores y los meses*, mandábemoste rellacionar cada mes del añu colos llabores propios de la casería. Agora vas facer otru tanto, pero esplicando qué actividaes son les más interesante que faes tu, na to ciudá o nel to pueblu, cada mes del añu nel siguiente esquema. ¡Fai por nun te repetir, anque seya echándoy cuentu!

MES	LLABOR
<i>Xineru</i>	
<i>Febreru</i>	
<i>Marzu</i>	
<i>Abril</i>	
<i>Mayu</i>	
<i>Xunu</i>	
<i>Xunetu</i>	
<i>Agostu</i>	
<i>Setiembre</i>	
<i>Ochobre</i>	
<i>Payares</i>	
<i>Avientu</i>	